

家藏正本

印

印



典

典

開堂雕版



宋蘇五本



嘗觀昔賢志於所好往往而傳劉伶之於酒陶潛之於

菊後世以為口寔夫豈偶然哉蓋我人之於世也自壯

至者汲汲皇皇心為形役其所營求者不過名與利耳

凡所以資吾身適吾意苟有益於我者皆利也利之大

小不同然僅足以給我有生而不能遺之於既死之後

若夫歷千古而不死者非名而何嗚呼夫名豈易言哉

言名者上之則必禹稷之所營周孔之所為等而下之

亦必節義著於當時文采表於後世彼其志於所好亦

足享不朽之榮名此豈偉而致哉要亦存乎其人也吾

鄉行先朱子為宋儒樂園先生之後幼而好學直溯淵

源其為人也端靜而達明哲而文及長從楊大猷沈歸

印典序

愚而先生遊凡而先生之所學行先兼學之故以才猷

見重於當世於古無所不嗜而更好金玉印章手集印

章之原始宗派古今制度及名人題咏上自秦漢下至

國朝名曰印典携之行簾以誌其好已未春余遊昆池

遇行先於時齊撫軍幕府得讀是集心折其蒐輯苦心

因喟然歎曰行先可謂志於所好者矣雖然吾聞之夫

人志於所好鮮不為其所病如鍾繇之嘔血衛懿之亡

國未始不由篤好於物今觀行先之好似以此二者為

戒故不以羅致為事唯求一新耳目以供吟嘯為樂凡

遇物之可喜譬夫禽鳥弄聲雲霞在望於聞見之時欣

然浹洽而已是以得全其好而遠其病余與行先同出



歸愚師門且同客滇南相聚久每諦觀其為人不徒嗜好如此凡處世接物無不皆然由此而推苟非學問有自曷克語此噫行先之所好不與伯倫淵明異峙千古者吾不信也若夫世俗之好又何足傳半部鈕讓用
謙序

金玉印章歌為清溪朱先行作

鈕讓

君不見崑山璧十五連城不肯易又不見首山銅斗
間氖氣凌長虹精金美玉世常守金玉成章幾人有
何況軒頡籀斯傳鑿鑄陶冶非凡手清溪夙嗜勤蒐
羅爛銅碎玉掌中珠陵寢掀翻漆燈滅幽宮泣鬼愁
神茶光生東壁飛蚪蚪蟠螭欲躍獅爭吼綠字朱文

印典序

二

何處來巨靈斧劈元龜首豈徒古印先生好天根月
窟窮微奧混沌悲他七日立蒼蒼恠彼媧皇造嗚呼
下生空向荆山泣鄧通幾見餘拳石獨有懷情嗜古
心五湖烟水年年碧

古人銘物紀事往往託之金石是以鼎匱碑碣之屬博古家皆視同景星卿雲而寶愛之若官私印章與鼎匱碑碣同出古人之手好篆刻者偶或留心一二其餘俱置不講何坎子家貧識陋不能一見湯盤孔鼎而秦漢印章猶有流傳得窺其妙故每涉獵羣書采錄類聚編成八卷名曰印典好古君子欲知古印淵源不外乎此矣若夫嫵媚纖巧古無是體或非大家所尚予則不暇及也清溪朱象賢識於大梁使院之含翠亭

印典目錄

第一卷

原始

制度上

第二卷

制度下

第三卷

賚子

流傳

第四卷

故事

第五卷

綜紀

集說

雜錄

印典目

第六卷

評論

鑄製

第七卷

器用

第八卷

詩文

印典例言

行世印譜不過備列篆文鈕式而古典品評及一切紀述鮮有錄入至考訂書學而連及印章者惟唐之竇臬元之盛熙明然所附簡約畧存其意耳是編元有裨印章者俱考覈搜羅仍分類成卷以免駁雜

印章之妙莫如秦漢魏晉但去今已遠遺法罕傳迨至唐趙宋講論者頗有其人而所作率多牽強支離未可取法厥後有榆菴徐官所著印史與行世印譜不同自成一書然拘泥字體且以成語取巧湊合諸說筆之於書既欠大方更乏古致今參考諸家論說凡能法古而宗秦漢者悉爲錄載

印典例

職官章印制度代更示信文移而無他用私印之於翰墨與官印有異若鐫刻俗陋雖名流傑作亦因之而減色編內專求古雅兼遵典制非有意異人也

前人詩文句語連屬印章二字甚多其有可作引證以供博覽者俱采集編次如古典已備不過用字異同無庸濫取致滋冗複他如釋氏心印佛印等類與印章絕無關涉概置不錄

古者官銜名姓並稱曰印至宋時別爲圖畫書籍所用之印爲圖書記由是世俗之人稱官印爲印稱私印概曰圖書相延莫改蓋私印多用於書畫分別其名不爲大謬然究係俗稱而非前人制用之意是帙一遵古制

未敢從衆

金石之類所以製印也刀鑿之類所以成印也俱必須之物不可不講至紱綬乃佩印所用較他物不同然古人紀載往往連類及之今亦並附以仍古意

印典八卷子伯父清溪先生之所作也集中一語一言俱出之典籍故以是名印者統官銜姓名而言官則代有制度無可評論名則鑄製不一應用講求古來書法畫學以及硯墨筆紙之類悉有成書而姓名印章更爲文翰家所必須烏可忽耶是書采取廣博考覈精詳寔前人之所未有不敢秘之帳中因錄一冊附於世祖樂園公墨池編後行之於世爲文房共寶云

姪廷詒謹識

印典卷第一

清溪朱象賢編

原始

古印良可重矣可以攷前朝之官制窺古字之精微豈如珍奇玩好而涉喪志之譏哉但去古久遠幾昧從來若不粵稽往昔誰復知其根本首錄原始以著肇端

天王符璽

春秋運斗樞黃帝時黃龍負圖中有璽章文曰天王符璽

赤帝符璽

印典一卷

春秋合誠圖堯坐舟中與太尉舜臨觀鳳皇負圖授堯圖以赤玉爲匣長三尺八寸厚三寸黃玉檢白玉繩封兩端其章曰天赤帝符璽

天王玉璽

春秋運斗樞黃龍五采負圖而出舜前白玉檢黃金押黃金繩芝爲封泥兩端有文曰天王有玉璽五字博袤三寸

龜領印

王子年拾遺記禹治水黃龍曳尾於前元龜負青泥於後龜領下有印文皆古文作九州山水之字禹所穿鑿之處皆使青泥封記其所使元龜印其上後世印章皆

肇此也

璽節

周禮掌節貨賄用璽節注璽節如今之印章

烏巢玉璽

拾遺記武王滅紂樵夫牧豎探烏巢得赤玉璽文曰水德方滅火祚方盛字皆大篆

傳國璽

錄異記歲星之精墜於荆山化而為玉側而視之色碧正而視之色白卞和得之獻楚王後入趙獻秦始皇一統琢為受命璽李斯小篆其文歷世傳之為傳國璽

印璽檢姦

印典一卷

二

後漢祭祀志自五帝始有書契至三王俗化彫文詐偽漸興始有印璽以檢姦萌

制度上

今之沿襲始自古人不師先世成規焉證後人之失然而時代推遷變更不一是非詳攷鮮知取法也茲集歷代分別尊卑質式彙輯制度二卷少備考據

制六璽

馬端臨云秦以印稱璽以玉不通臣下用制乘輿六璽曰皇帝行璽皇帝之璽皇帝信璽天子行璽天子之璽天子信璽又始皇得藍田白玉為璽螭虎鈕文曰受天

之命皇帝壽昌

方寸璽

漢舊儀秦已前民皆以金銀銅犀象爲方寸璽各服所好漢一作秦以來天子獨稱璽又以玉羣臣莫敢用也

紫泥封璽

漢書璽皆玉螭虎鈕凡六其文亦殊曰皇帝行璽皇帝之璽皇帝信璽天子行璽天子之璽天子信璽外有大藍田玉璽曰受天之命皇帝壽昌皆以武都紫泥封之盛以青囊白素裏兩端無縫尺一櫃中約署舊儀云皇帝綬黃地赤采不佩璽璽以金銀滕組侍中組負以從

皇后璽

印典一卷

三

漢書皇后璽文曰皇后之璽金螭虎鈕舊儀云皇后婕妤乘輦餘皆以茵四人輿以行皇后玉璽文與帝同

後漢靈帝冊宋貴人爲后御章德殿太尉龔使持節奉璽紱宗正讀冊畢后拜稱臣任位太尉授璽紱中常侍長秋太僕高鄉侯覽長跪受璽紱奏於殿前女使授婕妤長跪受以授昭儀受長跪以帶后后秩比國王即位威儀赤紱玉璽也又蔡邕獨斷云皇后赤綬玉璽貴人緡音戈緡金印按緡緡色似綠綬文也

太后璽

輿服志太皇太后皇太子及妃璽皆以金爲之藏而不
用太后封令書以宮官印皇后以內侍省印皇太子以

左春坊印妃以内坊印文獻通考皇太子黃金印龜鈕文曰章

璽章印

漢官儀諸侯王黃金璽橐駝鈕文曰璽列侯黃金印龜鈕文曰某侯之章丞相高帝十年更名相國太尉與三公前後左右將軍黃金印龜鈕文曰章中二千石銀印龜鈕文曰章千石六百石四百至二百石以上皆銅印鼻鈕文曰印文獻通考御史大夫銀印青綬凡吏秩比二千石以上皆銀印青綬光祿大夫無秩比六百石以上皆銅印墨綬大夫博士御史謁者郎無秩僕射御史治書尚符璽者有印綬比二百石以上皆銅印黃綬

印章五字

文獻通考漢武帝太初元年改正朔數用五紀注印文若丞相曰丞相之印章諸卿及守相印文不足五字者以之字足之

官印五分

漢官儀卿秩中二千石孝武皇帝元狩二年令通官印方寸大小官印五分王公侯金二千石銀印龜鈕

尚書令印

漢官儀尚書令秦官也漢初並用士人銅印墨綬秩二千石

佩雙印

後漢輿服志佩雙印乘輿諸侯王公列侯以白玉中二千石至四百石皆以黑犀三百石以至私學弟子皆以象牙上合絲乘輿以滕貫白珠赤屬麤諸侯王以下以繇赤絲麤滕繇各如其印質

或云雙印一桃也佩之以自戒也子考漢書載雙印刻書曰正月剛卯敢央靈

矣四方青赤白黃四色是當帝令祝融以教靈龍庶疫剛禱莫我敢當又曰疾日廢卯帝令變化順兩國化伏茲靈文既正既直既觝既方庶便剛禱莫我敢當共六十六字則雙印即剛卯而非印用之印章也

堯贈印璽

後漢禮儀志諸侯王列侯堯皆令贈印璽玉柙銀鏤文貴人長公主銅鏤

復設璽印

文獻通考建武元年復設諸侯王金璽緌綬公侯金印

印典一卷

五

紫綬九卿執金吾河南尹大長秋將作大匠度遼諸將軍郡太守國傳相校尉中郎將諸郡都尉諸國行相中尉內史中護軍司直秩皆二千石以上皆銀印青綬中外官尚書令御史中丞治書侍御史公將軍長史中二千石丞正平諸司馬宮中王家僕雜陽令秩皆千石尚書中謁者黃門冗從四僕射都郡監中外諸郡官令都侯司農部丞郡國長吏丞侯司馬千人家令侍僕秩皆六百石雜陽市長主家長秩皆四百石以上皆銅印墨綬諸曹長揖擢丞秩三百石諸秩千石者其丞尉皆秩四百石秩六百石者丞尉三百石四百石者其丞尉秩二百石縣國丞尉亦如之縣國三百石長丞尉亦二百

石明堂靈臺丞諸陵校長秩二百石丞尉校長以上皆銅印黃綬縣國守宮令相或千石或六百石長或四百石或三百石長相皆以銅印黃綬而有秩者侍中中常侍光祿大夫秩皆二千石太中大夫秩皆比二千石尚書諫議大夫侍御史博士皆六百石議郎中謁者秩皆比六百石小黃門侍郎中黃門秩皆比四百石郎中秩皆三百石太子舍人秩二百石

與服制並

鐵印災符

漢官解詁衛尉主宮闕之內凡居宮中者皆施籍於掖門按其姓名若有醫巫僦人當入者本官長吏為之封啟傳審其印信然後內之人未定又有籍皆復有符以當所屬官兩字為鐵印亦太卿災符當出入者按籍畢復齒符識其物色乃引內之也

封禪璽

祭祀志檢用金縷五周以水銀和金以為泥玉璽一方十二分一枚方五分

女官佩印

王莽篡位後徵天下淑女杜陵氏女為皇后成同牢禮於西堂備和嬪美御其和人三位視公嬪人九視卿美人二十七視大夫御人八十一視元士凡百二十人皆

佩印紱執弓鞬

音讀

魏貴人印

魏志武帝內誠令曰宮人位爲貴人金印藍韞女人爵位之極

印以官名

魏武設官令魏諸官印各以官爲名印如漢法斷二千石者章

官級印質

杜氏通典魏黃初三年初制封王之庶子爲卿公嗣王庶子爲鄉侯公之庶子爲亭伯其後定制凡國王公侯伯子男六等次縣次鄉次亭侯次關內侯又置名號侯爵十八級關中侯爵十七級皆金印紫綬關外侯爵十六級銅印龜鈕墨綬五大夫十五級銅印環鈕亦墨綬

印典一卷

七

自關內侯皆不食租虛封爵自魏始

晉太子璽

文獻通考晉皇太子金璽龜鈕朱黃綬四采赤黃縹紺

女官章印

又貴人夫人貴嬪是爲三夫人皆金章紫綬文曰貴人夫人貴嬪之章淑妃淑媛淑儀修華脩容脩儀婕妤好容華克華是爲九嬪銀印青綬

王璽

晉百官志王古號也夏殷周稱王金璽龜鈕細纁朱綬

公車司馬印

晉百官表注公車司馬令一人周官也銅印墨綬絳服

官品第七

公侯印

晉輿服志郡公縣公縣侯大夫夫人銀印青綬

太監銀章

晉令有通德殿太監尚衣尚食太監並銀章艾綬

宋諸官印

文獻通考宋皇太子金璽龜鈕朱綬諸王金璽龜鈕纁朱綬郡公金章紫綬太宰太傅太保丞相司徒司空金章紫綬相國綠綬綬大司馬大將軍太尉凡將軍位從公者金章紫綬郡諸侯金章青朱綬驃騎車騎以下諸將軍並金章紫綬諸王嗣子金印紫綬郡公侯嗣子銀

印典一卷

八

印青綬尚書令僕射中書令監秘書監銅印墨綬光祿大夫太子詹事左右衛以下諸將軍監軍銀章青綬諸校尉中郎將銀印青綬縣鄉亭侯金印紫綬鷹揚伏波以下諸將軍銀章青綬諸都尉校尉中尉銀印青綬州郡史銅印墨綬御史中丞都水使者銀印墨綬諸軍司馬銀章青綬匈奴護羌諸校尉銅印青綬尚書左右丞秘書丞銅印黃綬其下又有假青綬假墨綬

太子妃璽

沈約宋書皇太子妃金璽龜鈕纁朱綬

齊璽印制

文獻通考齊乘輿制六璽以金爲之並依秦漢之制皇

太子諸王金璽皆龜鈕纁朱綬赤黃縹紺色亦同公侯
五等金章相國綠綬綬三采綠紫紺郡公朱侯伯青子
男素朱皆三采公嗣子紫侯嗣子青鄉亭侯關中關內
侯紫綬白二采郡太守內史四品五品將軍皆銀章青
綬尚書令僕射至諸州刺史皆銅印尚書令僕射中書
監秘書監皆黑綬丞皆黃綬其乘輿綬黃赤縹紺四采

梁印

文獻通考梁乘輿印璽及皇太子諸王五等國封並略
如齊制鄉亭關內關中及各號侯諸王嗣子金印龜鈕
紫綬關外侯銀印珪鈕青綬大司馬大將軍太尉諸位
從公者金章龜鈕紫綬尚書令僕射尚書中書監令秘

白典卷

九

書監銅印墨綬左右光祿大夫加金章紫綬同其位但
加金紫者謂之金紫光祿但加銀青者謂之銀青光祿
太僕廷以下諸卿丹陽尹銀章龜鈕青綬諸將軍金章
紫綬中郎將則青綬郡國太守相內史銀章龜鈕青綬
諸縣署令秩千石者州郡大中正郡中正銅印環鈕墨
綬公府令史亦同諸縣尉銅印環鈕單衣黃綬

陳璽章印

文獻通考陳永定元年武帝所定乘輿服御皆採梁舊
制以天下初定務惟節儉至天嘉中乃一依梁天監舊
事比齊制天子六璽並依舊式皇帝行璽封常行詔勅
用之皇帝之璽賜諸王書用之皇帝信璽下銅獸符發

諸州鎮兵下竹使符拜代名諸刺史用之並白玉爲之方一寸二分螭獸鈕天子行璽冊拜外國則用之天子之璽賜諸外國書則用之天子信璽發兵外國若徵召外國及有事鬼神用之並黃金爲之方一寸二分螭獸鈕又有傳國璽白玉爲之方四寸螭獸鈕上交蟠螭隱起鳥篆書文曰受天之命皇帝壽昌凡八字在璽外唯封禪以封石函又有督攝萬機印一鈕以木爲之長尺二寸廣二寸五分背上爲鼻鈕鈕長九寸厚一寸廣七寸腹下隱起篆文督攝萬機四字此印常在內唯以印籍縫用則左戶部郎中度支尚書奏取印訖轉納皇太子璽黃金爲之方一寸龜鈕文曰皇太子璽宮中大事

印典一卷

用璽小事用門下典書坊印諸侯印綬二品以上並金

章紫綬三品銀章青綬三品以上凡是五省官及中侍中省官皆爲印而不爲章也四品得印

者銀印青綬五品六品得印者銅印墨綬四品以下凡是開國子男及五等散品名號侯比白爲銀章不爲印也七品八品九品得印者銅印黃綬金銀章印及

銅印並方一寸皆龜鈕四方諸藩國王之章上藩用金

下藩用銀並方寸龜鈕佐官唯公府長史尚書二丞給

印綬六品以下九品以上唯當曹爲官長者給印餘自

非長官雖位尊並不給

章印異鈕

陳制金章或龜鈕豹鈕貔鈕銀章爲龜鈕熊鈕羆鈕羔鈕鹿鈕銀印爲珪鈕兔鈕銅印率環鈕

北齊后璽

北齊皇帝納后禮皇后服大嚴綉衣帶綬珮加幪女長御引出升畫輪四望車女侍中負璽陪乘鹵簿如大駕

北周璽印

文獻通考後周皇帝八璽有神璽有傳國璽皆寶而不用皇帝負屐則置神璽於筵前之右置傳國璽於筵前之左其六璽並因舊制皆白玉爲之方一寸五分高一寸螭獸鈕三公諸侯印皆方寸二分高八分龜鈕七命以上銀四命以上銅皆龜鈕三命以上銅印鼻鈕其方皆寸其高六分文曰某公官之印

隋璽

印典一卷

七

文獻通考隋神璽寶而不用受命璽封禪則用之餘六璽行用並依舊制

隋制皇后有金璽盤螭鈕文曰皇后之璽冬正大朝則并璜琮各以笥貯進於座隅

唐璽印

文獻通考唐天子有傳國璽及八璽皆玉爲之神璽以鎮中國藏而不用受命璽以封禪禮神皇帝行璽以報王公書皇帝之璽以勞王公皇帝信璽以召王公天子行璽以報四夷書天子之璽以勞四夷天子信璽以召兵四夷皆泥封大朝會則符璽郎進神璽受命璽於御座行幸則合八璽爲五轡函封從於黃鉞之內初太宗

刻受命玄璽以白玉為螭首文曰皇天景命有德者昌
至武后改諸璽皆為寶中宗即位復為璽開元六年復
為寶天寶初改璽書為寶書十載改傳國寶為承天大
寶太皇太后皇太后皇后皇太子及妃璽皆金為之藏
而不用太皇太后皇太后封令書以宮官印皇后以內
侍省印皇太子以左春坊印妃以內坊印天子巡幸則
京師東都留守給留守印諸司從行者給行從印

同文印

舊唐書玉牒玉策以受命寶印之納二玉置於碱中金
泥碱際以天下同文之印封之

鑄印追兵

印典一卷

十三

唐書肅宗在靈武鑄印追兵文曰六合大同之印

置諸官印

唐會要建中三年詔中書門下兩省各置印長慶三年
鑄御史臺行從印二出使印二

唐宗室李說請為監軍使王定遠別鑄印上許之監軍
有印自定遠始

唐文宗紀太和五年勅造諫院印一面以諫院之印為
文諫院舊無印各於本司取印每有疏人多知之故敕
置印

墨印

舊唐書左藏令掌邦國庫藏之事天下賦調納庫藏凡

出給先勘木契然後錄其名數及請人姓名署印送監門乃聽出若外給者以墨印印之

奏准製寶

五代史晉天福三年中書門下奏准勅製皇帝受命寶以受天明命惟德允昌為文刻之

後周二寶

文獻通考周廣順三年二月內司製國寶兩坐詔太常具制度以聞有司奏按唐六典符璽郎掌天子八寶一曰神寶二曰受命寶其神寶方六寸高四寸六分厚一寸七分蟠龍鈕文與傳國寶同傳國寶秦始皇帝以玉刻之方四寸鈕蟠五龍二寶歷傳以為神器又別有六

印典一卷

七

寶因文為名並白玉螭虎鈕歷代相傳亡則補之北朝鑄之以金至則天朝以璽字涉嫌改為寶貞觀十六年^別璽一坐文曰皇天景命有德者昌白玉螭虎鈕同光中製寶二坐文曰皇帝受命之寶晉天福四年製寶一坐文曰皇帝神寶其同光天福二寶內司製造不見鈕象并尺寸制度勅令製寶二坐宜用白玉方六寸螭虎鈕詔馮道書寶文一以皇帝承天受命之寶為文一以皇帝神寶為文

制度下

宋寶制度

文獻通考宋制凡寶用玉篆文廣四寸九分厚一寸二分填以金盤龍鈕係暈錦大綬赤小綬連玉環玉檢高七寸廣二寸四分玉斗方二寸四分厚一寸二分皆飾以金裝裹以紅錦加紅羅泥金夾帊納於小盞蓋以金裝內設金牀暈錦褥飾以襯色玻璃碧鈿石珊瑚金精石瑪瑙又盞三重皆裝以金覆以紅羅繡帊載以腰輿及行馬並飾以金朝會陳於御前大禮即列於仗衛中

印典二卷

制用各寶

又宋太祖受禪傳周廣順中所造二寶太宗制承天受命之寶真宗制恭膺天命之寶大中祥符中又別制恭膺天命之寶天下同文之寶用於封禪昭受乾符之寶以印密詞

禁中所用別有三印一曰天下合同之印中書奏覆狀疏內銓歷任三代狀用之二曰御前之印樞密院宣命及諸司奏狀用之三曰書詔之印翰林詔書勅別錄勅榜用之皆鑄以金又以鍮石各鑄其一雍熙三年並改爲寶別鑄以金舊者皆毀之

乾興元年作受命寶命叅知政事王曾書之遣內侍諸

少府監文忠院視工作

仁宗明道元年禁中火寶冊悉焚其年九月改作寶及冊命參知政事陳堯佐書受命寶宰相陳執中書欽崇國祀之寶刻之以代真宗爲昭受乾符之寶凡齋醮表章用焉薛奎書尊號冊寶參知政事晏殊書皇太后尊號冊寶二年成三司言用黃金二千七百兩爲法寶法物詔易以銀而塗黃金

皇祐五年九月作鎮國神寶時閱奉宸庫得良玉廣尺厚半之上以其希世之寶不欲以爲服玩因作鎮國神寶命宰相龐籍篆而參知政事劉沆書其上寶成以進召近臣宗室觀於延和殿太常禮院引唐六典次序曰

印與二卷

二

一神寶二受命寶冬至祠南郊大賀儀仗請以鎮國神寶爲前導自是遂爲定式

英宗即位別製受命寶嘉祐八年將葬仁宗於永昭陵翰林學士范鎮奏曰竊聞先朝受命寶及法寶物與平生衣冠器用皆欲舉而葬之非所以稱大行皇帝恭儉之意也其受命寶望陛下寶而用之且示有所傳付若衣冠器玩則宜陳於陵寢及神御殿歲時展視以慰思慕詔檢討官披繹典故及命兩制禮官議學士王珪等議曰受命寶猶昔傳國璽也宜爲天子傳器不當改作古者藏先王衣服於廟寢至於平生器玩則世納於方中亦不悉陳於陵寢謂宜從省約以稱先帝恭儉之實

已而別製受命寶珪等議格不用命叅知政事歐陽修
篆其文曰皇帝恭膺天命之寶元豐八年五月作受命

寶文與
上同

徽宗崇寧五年有以玉印獻者方寸龜鈕工作精巧文
曰承天福延萬億永無極受寶記言有以古篆進者謂
是也帝因次其文倣李斯蟲魚篆作寶文其方四寸有
奇螭鈕方盤上圓下方名爲鎮國寶

大觀元年制八寶時得玉工用元豐中玉琢天子皇帝
六璽疊篆紹聖間得漢傳國璽無檢螭又不缺疑其一
角缺者乃檢也有檢傳攷驗甚詳帝取其文而黜其璽
因作受命寶其方四寸有奇琢以白玉篆以蟲魚帝自

印典二卷

三

爲之記鎮國受命二寶合天子皇帝六璽爲八寶於是
下詔曰自昔皆有尚符璽官今雖隸門下後省遇親祠
則臨時具員訖事復罷八寶旣備宜重典司之職可令
尚書省置官如古之制又詔永惟受命之符當有一代
之制而尚循秦舊六璽之用度越百年之久或未大備
自天申命地不愛寶獲全玉於異域得妙工於編氓八
寶旣成負無前比殆天所授非人能爲可以來年元日
御太慶殿恭受八寶尚書省言請置符寶郎四員隸門
下省二員以中人充掌寶於禁中按唐八寶車駕臨幸
則符寶郎奉寶以從大朝會則奉寶以進今鎮國寶受
命寶非當用之器欲臨幸則從六寶朝會則陳八寶內

符寶郎捧出以授外符寶郎外符寶郎從寶行行禁衛之內朝則分進於御座之前鎮國寶受命寶不常用唯封禪則用之皇帝之寶答鄰國書則用之皇帝行寶降御札則用之皇帝信寶賜鄰國書及物則用之天子之寶答外夷國書用之天子行寶封冊則用之天子信寶舉大兵則用之應合用寶外符寶郎具奏請內符寶郎御前請寶印訖付外符寶郎承受從之二年詔受命寶字之上添鎮國二字鎮國受命二寶寶而不用藏置內府人未知制作之因可宣付有司政和六年詔御寶自祖宗朝行用今百五十餘年角列篆暗幾不可驗恐無以示信天下舊有祖宗所藏御前金寶宜自冬祀大禮

畢行用而降新舊二寶文付外照驗且以布告中外七年從于闐得大玉踰二尺色如截肪帝又制一寶赤螭鈕文曰範圍天地幽贊神明保合太和萬壽無疆凡十六字篆以蟲魚制作之工幾於秦璽其寶九寸檢亦如之號曰定命寶合前八寶為九其後詔以九寶為稱以定命寶為首應行導排設去處定命與受命天子寶在左鎮國寶與皇帝寶在右又詔得寶玉於異域受定命於神霄合乾元用九之數以明年元日受之凡兩受寶皆赦天下帝曰八寶者國之神器也至定命寶乃我所自制云

紹興元年製受命中興寶宣示輔臣

比定命寶大半分

十六年郊

祀始陳寶如承平之儀凡中興御府所藏玉寶十有一
金寶三八寶皆高宗作一鎮國神寶文曰承天福延萬
億永無疆二受命寶文曰受命於天既壽永昌三曰天
子之寶四曰天子信寶五曰天子行寶六曰皇帝之寶
七曰皇帝信寶八曰皇帝行寶八寶印用
已見前大宋受命之寶
太祖
定命寶
文十六字徽宗作
并八寶為九寶
年秋一皇帝欽崇國祀之寶印香合
詞表二天下合同之寶印中書
門下省
文三書詔之寶印詔
書

皇后寶

宋紀景祐元年立后曹氏命禮院詳定儀注皇后玉冊
如太子制珉簡寶用金方一寸五分高一寸文曰皇后
之寶盤螭鈕服以禕衣大帶玉珮雙綬
文獻通考紹興十三年四月行皇后冊禮冊用珉玉五
十簡寶用玉方一寸有半盤螭鈕文曰皇后之寶隆興
以後悉金是制

太后玉寶

文獻通考哲宗元祐元年詔天聖中章獻明肅皇后用
玉寶方四寸九分厚一寸二分龍鈕今太皇太后權問
處分軍國事宜依章獻皇后故事從之又詔太皇太后
玉寶以太皇太后之寶為文皇太后金寶以皇太后寶
為文皇太妃金寶以皇太妃寶為文

太子金寶

宋史至道中門下省言按開元禮皇太子寶以黃金爲之方一寸隋志皇太子寶龜鈕文曰皇太子寶朱組大綬請如舊制製造從之

文獻通考乾道元年禮官討論皇太子冊寶之制按會要冊用珉玉簡六十前後四枚寶以黃金爲之文曰皇

太子寶係龜鈕

舊制方二寸

貴妃金印

宋史慶歷八年制美人張氏爲貴妃所司擇日備禮冊命學士宋祁就院寫告用官告院印封進妃擲告於地不受十二月發冊設次位命官持節授冊印內外命婦稱賀及入謝略如冊后儀冊用竹簡二十四版長尺一

印典二卷

六

綬
潤寸天下樂錦裝標金印方寸文曰貴妃之印龜鈕紫

尊號寶

文獻通考累朝每上尊號有司製玉寶以尊號爲文紹興二十二年孝宗受禪詔恭上太上皇帝尊號曰光堯聖壽太上皇帝禮官討論冊寶之制冊用珉玉寶用玉篆文廣四寸九分厚二寸二分以皇祐黍尺爲度填以金盤龍鈕係以暈錦大綬亦小綬連玉環玉檢納於小盃盞以金飾之乾道七年淳熙二年十二年加上尊號及紹熙元年至尊壽皇帝聖尊號慶元二年年上聖安壽仁太上皇帝尊號冊寶悉同此制又上壽聖太上

皇后尊號冊寶如慈寧之制紹熙初上壽聖皇太后壽成皇后尊號金寶皆六字文曰壽聖皇太后寶壽成皇后之寶廣四寸九分厚一寸二分填以金盤龍鈕四年加上壽聖隆慈備福皇太后尊號金寶以十字爲文慶元二年十月上壽聖隆慈備福光佑太皇太后壽成慈惠皇太后壽仁太上皇后冊寶其制並同嘉泰時加上壽成慈惠太皇太后尊號冊寶亦如之紹興七年命文思院用玉製顯肅皇后寶二顆禮官言國朝諸后謚寶曾垂簾聽政者用玉餘止用金遂詔以金造

御書印

史祥符二年鑄龍圖閣印文曰龍圖閣御書記天禧四

印典二卷

七

年編御集朱允中等言御製書印三請用金鑄從之

諸司銅印

文獻通考宋因唐制諸司皆用銅印諸王及中書門下印方二寸一分樞密宣徽三司尚書省諸司印方二寸惟尚書省印不塗金餘皆塗金節度使印方一寸九分塗金餘印並方一寸八分惟觀察使塗金諸王節度使州府軍監縣印皆有銅牌刻文云牌出印入印入牌出或本局無印者皆給奉使印景德四年別鑄兩京奉使印又有朱記以給京城及外處職司及諸軍校等其制長一十七分廣一寸六分士庶及寺觀亦有私記大中祥符五年詔禁私鑄止得雕木爲文大方寸

鑄三面印

文獻通考景佑三年篆文官王文盛言於少府監曰在京糧料院印多僞倣之以募券歷者謂宜鑄三印圓其制而面濶二寸五分於外圍周匝篆紀年及糧料院名凡十二字以圍篆十二辰凡十二字中央篆正字上連印鈕令可轉旋以機穴定之用時月分對年中互建十一月自寅至丑終始循環每改元即更鑄之云若此使姦人無復措其巧矣少府監以奏詔三司詳定請如文盛言

印式著令

又王文盛言舊例親王中書印各方二寸一分樞密宣

印典二卷

徽三司尚書省開封府方二寸節度使寸九分節度觀察留後觀察使寸八分半防禦團練使轉運州縣印寸八分凡印各上下七分皆濶寸六分雖各有差降而無令式以紀其數詔從其言著於令

給奉使印

神宗熙寧四年詔中外奉使除文臣兩省武臣橫行已上不以職務緊慢餘官如使外國接送件體量安撫制勘之類給奉使印餘給銅記以奉使朱記爲名先是臣僚差使不以官序高下職務緊慢例給奉使印而令式節文非劇司者記故密院有請也九年八月令禮部鑄諸路提舉官印自是提舉官不帶奉使印以出

鑄三省貢舉印

元豐四年詔三省印銀銷金塗給事中印爲門下外省之印舍人印爲中書外省之印

六年別鑄禮部貢舉之印舊制貢院有印院廢印亦隨毀禮部遇鎖試則牒印廢事故也

遇事借印

禮部言政和令奉使官第二等以上給印餘給記差出者遇替移事故元借印記隨所在寄納本部歲終檢舉拘收寄納州縣占留給借無以防之乃詔有司立法應州縣寄納禮部印記非奉朝旨不許擅行給借

鑄樞密印

印典二卷

九

文獻通考建炎三年鑄三省樞密院銀印

攷古記宋樞密院與中書對持文武二柄號爲二府院在中書之北印有東院西院之文而共爲一院但行東院印

夢溪筆談舊制中書樞密院三司使印並塗金近制三省樞密院印用銀爲之塗金餘皆鑄銅而已

却掃編樞密院承旨本吏人名太平興國以翰林楊守一爲之加都字後復用吏熙寧三年復以李綬充副都承旨未幾又請鑄印詔止許印在院文字以樞密都承旨印爲文

鑄行在印

文獻通考紹興四年鑄行宮留守司印權戶部侍郎王
俟言文書以印記防姦偽錢穀尤爲要切不可借用他
印今車駕巡幸凡常程文書皆留守司裁決以印記權
爲立用如行在所度支用侍郎印金倉部通用金部印
留守司權本部侍郎用尚書印太府司農寺並用寺丞
印不惟日下交互異時必生姦弊請度支金倉部太府
司農寺各鑄印以行在所或巡幸某印爲文事已發赴
禮部置櫃封鑰掌之遇巡幸關出行用庶無窒礙其他
部要切印記都省依此施行詔印文添行在所字

會子印

又孝宗隆興二年金部言初行會子權借戶部尚書印

印典二卷

十

覆印今行之已久恐致混淆宜專有印記俾郎官掌之
遂鑄太府寺專一檢察會子印二年復鑄尚書覆印會
子印

毀假借印

又乾道二年禮部請郡縣假借印記悉毀而更鑄馬端
臨云南渡之初有司印章多失尚方重鑄給之加行在
二字或冠年號以別新舊然欺僞猶未能革至紹熙初
禮部侍郎李燾言文書有印以示信防姦給毀悉經省
部具有條制然州縣沿循或以縣佐而用東南將印以
椽曹而用司寇舊章名旣不正弊亦難防請令有司製
州縣官合用印記舊印非所當用者毀之上從其請由

是名實正而直偽別矣

印冠年號

又寧宗嘉定十四年山東效順鑄各州軍及京東安撫使馬步軍總管京東河北鎮撫節制大使印並冠以嘉定二字

遼金玉寶

續文獻通考玉印太宗破晉北歸得於汴宮穆宗應歷二年詔用太宗舊寶御前寶金鑄文曰御前之寶印臣僚宣命詔書寶文曰書詔之寶書詔批答用之契丹寶受契丹冊儀符寶郎奉寶置御座東金印三晉帝所上

皇后太子寶

印典二卷

士

皇太后寶天顯二年應天皇后稱制羣臣上璽綬冊承天皇太后儀符寶郎奉寶置太后座右皇后印文曰皇后教印皇太子寶重熙九年冊皇太子儀中書令授皇太子寶

臣下印

臣下印吏部印文曰吏部之印銀鑄以印文官制誥兵部印文曰兵部之印銀鑄印軍職制誥契丹樞密院契丹諸行軍部署漢人樞密院中書省漢人諸行宮都部署印並鑄文不過六字以上以銀硃爲色南北王內外百官印並銅鑄以黃丹爲色諸稅務以赤石爲色杓窠印窠鷺鳥之總名以爲印鈕取疾速之義行軍詔賜將

帥用之

金鑄各寶

續文獻通考熙宗皇統五年始鑄金御前之寶一書詔之寶一世宗大定十八年御史大夫完顏璋請製大金受命寶有司以秦璽文進上命以大金受命萬世之寶爲文其制徑四寸八分厚一寸四分盤龍鈕高厚各四寸六分有半禮部尚書張景仁少府監張僅言領工事詔康光慶篆之二十三年三月鑄宣命之寶金玉各一徑四寸二釐厚一十四分鈕高一寸九分字深二分勅有司議所當用奏今所收八寶及皇統五年造御前之寶賜宋國書及常例日則用之書詔之寶賜高麗夏國詔并頒詔則用之大定十八年造大金受命萬世之寶奉勅再議今所鑄金寶宜以進呈爲始一品及王公妃用玉寶二品以下用今宣命之寶二十五年十二月命範銅爲禮信之寶凡賜方外禮物給信袋則用章宗明昌四年七月命以銀改鑄禮信之寶仍塗以金
太皇太后皇太后皇后太妃寶皆用金

太子寶

世宗大定二十四年幸上京鑄金寶以授皇太子有司定其文曰監國世宗命以守易監比親王印廣長各加一分龜鈕二十八年世宗不豫以皇太子攝政鑄攝政之寶貞祐三年以皇太子守緒控制樞密院詔以金鑄

撫軍之寶如世宗時制於啟稟時用之

給諸司印

天會六年始詔給諸司印其前所帶印記無問有無新命悉上送官敢匿者國有常憲至正隆元年以內外官印新舊名及階品大小不一有用遼宋舊印及契丹字者遂定制命禮部更鑄三師三公親王尚書令並金印方二寸重八十兩駝鈕一字王印方一寸七分半金鍍銀重四十兩三字諸郡王印方一寸六分半金鍍銀重三十五兩三字國公無印一品印方一寸六分半金鍍銀重三十五兩三字二品印方一寸六分金鍍銀重二十六兩東宮三師宰執與郡王同三品印方一寸五分

印典二卷

三

半銅重二十四兩四品印方一寸五分銅重二十四兩六品印一寸三分銅重十六兩七品印一寸二分銅重十六兩八品印一寸一分半銅重十四兩九品印一寸一分銅重十四兩凡朱記方一寸銅重十四兩天德二年行尚書省以其印小遂命議尚書省印小一等改鑄大定二十四年二月行尚書省議事臺并左右三部印以從幸上京泰和元年安國軍節度使高有鄰言本州所掌印三曰安國軍節度使之印曰邢州觀察使印吏戶禮印用之曰邢州之印兵刑工案用之以名實不正乞改鑄宰臣奏謂節度使專行之事自當用節度使印觀察使亦如之其六曹提點所軍兵民訟則當用本州

印著為定制上從之

元制寶璽

續文獻通考元至元元年七月定用御寶制凡宣命一品二品用玉三品至五品用金其文曰皇帝行寶者即位時所鑄惟用之詔誥別鑄宣命金寶行之六年製玉璽大小十鈕文宗天厯二年開奎章閣作二璽一曰天曆之寶一曰奎章閣寶命虞集篆文順帝作二小璽一曰明仁殿寶一曰洪禧命楊瑀篆文洪禧璞純白而龜鈕黑色至正元年詔刻宣文至正二寶

宣命之寶用玉以玉筋篆

蒙古字印

一品衙門用三臺金印二品三品用兩臺銀印其餘大

印典二卷

十四

小衙門印雖大小不同皆用銅其印文皆用八思麻帝

師所製蒙古字書

位號視印

鑑元宗室駙馬通稱諸王初制簡樸位號無稱惟視印章以為輕重後雖有國邑之名而印章之等如舊封一字王者金印獸鈕兩字王者金印螭鈕次有金印駝鈕金錢銀印駝鈕龜鈕有止用銀印龜鈕等級不同如此又同姓有無國邑而稱王者但稱宗王

明制寶璽

續文獻通考明寶璽凡十四寶之大者曰奉天之寶為唐宗相傳惟配天地用之凡詔若赦則用皇帝之寶立

封及賜勞則用行寶詔親王大臣用兵則用信寶冊上尊號則用尊親之寶勅諭親王則用親親之寶祀山川鬼神則用天子之寶封外國及賜勞則用天子行寶詔外夷調兵則用天子信寶賜誥用誥命之寶賜勅用勅命之寶以進御座則用御前之寶獎諭臣工則用廣運之寶勅諭來朝官員則用敬天勤民之寶

建文三年春正月辛酉朔凝命神寶成方一尺六寸九分帝親定其文曰天命明德表正萬方精一執中宇宙永昌先是帝在儲位夢神人致上帝命授以重寶元年使者還西方得青玉於雪山方踰二尺質理溫栗二年正月帝郊祀宿齋宮夕夢若有覩乃驚寤命玉人琢為

印典三卷

十五

大璽十二月工成名凝命神寶至是以告天地祖宗為文宣示遐邇百官稱賀

后妃寶

續文獻通考皇后金冊金寶貴妃而下有冊無寶獨宣德元年以貴妃孫氏有容德請於皇太后製金寶賜之且命太師英國公張輔為正使少師吏部尚書蹇義為副使二公元臣也未幾而貴妃有子自是貴妃受寶遂成故事焉

諸司印信

明會典國初禮部設鑄印局又設儒士二員後增三員專寫印上文字三年外補其大小衙門印記年久模糊者申知

上司具奏鑄換新印其舊印仍繳印局看驗若印降未久挽奏煩擾雖已鑄換仍將申奏官治罪嘉靖後鑄造印記關防專以洪武正韻為主正韻不載方取許氏說文二書無攷者將六書等書參攷又洪治中奏准若衛所軍職將印當錢使用者帶俸差操

宗人府五軍都督府俱正一品銀印三臺方三寸四分厚一寸

六部都察院并在外各坊司俱正二品銀印二臺方三寸二分厚八分衍聖公張真人中都留守司俱正二品各布政司從二品銀印二臺方三寸一分厚七分

景泰三年賜衍聖公三臺銀印

順天應天二府尹俱正三品銀印方二寸九分厚六分五厘通政司大理寺太常寺詹事府及京衛并在外各按察司各衛俱正三品苑馬寺宣慰司俱從三品銅印方二寸七分厚六分太僕寺光祿寺并在外各鹽運司俱從三品銅印方二寸六分厚五分五厘

鴻臚寺并在外各府俱正四品國子監并在外宣撫司俱從四品銅印方二寸五分厚五分

翰林院左右春坊尚寶司欽天監太醫院上林院監六部各司宗人府經歷司并在外各王府長史司各衛千戶所俱正五品司經局五府經歷司并在外招討司安撫司俱從五品銅印方二寸四分厚四分五厘在外各

州從五品銅印方二寸三分厚四分

都察院經歷司大理寺左右寺五城兵馬司大興宛平上元江寧各京縣及僧錄司道錄司并在外中都留守司經歷司斷事司各都司經歷司斷事司各衛百戶所長官司及各王府審理所俱正六品光祿寺大官等署并在外各布政司經歷司理問所俱從六品銅印方二寸二分厚三分五厘

吏科等六科行人通政各經歷司工部營繕所太常寺典簿廳上林苑監蕃育等署并在外各按察司經歷司各縣俱正七品中書舍人順天應天府經歷司京衛經歷司光祿寺典簿廳太僕寺詹事府各主簿廳并在外各衛經歷司鹽運司經歷司苑馬寺主簿廳宣慰司經歷司俱從七品銅印方二寸一分厚三分

戶部刑部都察院各照磨所兵部典牧所國子監繩愆廳博士廳典簿廳鴻臚寺欽天監各主簿廳并在外各布政司照磨所各府經歷司及各王府紀善典寶典膳奉祀良醫工正各所宣撫司經歷以上正從八品俱銅印方二寸厚二分五厘

刑部都察院各司獄司順天應天二府照磨所司獄司鴻臚寺內儀署司賓署國子監典籍廳上林苑監典簿廳內府寶鈔等各庫御馬倉艸倉會同館織染所文思院皮作局顏料局鞍轡局寶源局軍器局都稅等司教

坊司并在外留守司司獄司各都司司獄司各按察司
照磨所司獄司各府照磨所司獄司及各王府長史司
典簿廳教授典儀所各府衛儒學稅課司陰陽學醫學
僧綱司道紀司及各巡檢司以上正從九品俱銅印方
一寸九分厚二分二厘

各州縣儒學倉庫驛遞閘壩批驗所抽分竹木局河泊
所織染局稅課司陰陽學醫學僧道司俱未入流銅條
記潤一寸三分長二寸五分厚二分一厘 以上俱直
鈕九疊篆文

監察御史銅印直鈕有眼方一寸五分厚三分八疊篆
文

印典二卷

六

總制總督巡撫等項并鎮守及凡公差官銅關防直鈕
闊一寸九分五厘長二寸九分厚三分九疊篆文
征西鎮朔平羌平蠻等將軍銀印虎鈕方三寸三分厚
九分柳葉篆文

文淵閣銀印直鈕方一寸七分厚六分玉箸篆文
宣德年
賜惟進
呈文字等
項用之

私印古制

攷古紀略古人私印質有金銀銅玉鈕有螭龜壇鼻獅
虎兔獸與官印無異又有子母印兩面印六面印乃官
印中所無子母者大印之中藏以小印多則三四少則
一二兩面者其厚一二分而無鈕上下刻文中空一竅

以綰組也六面者上下四週皆刻文字其制正方下及
傍側爲五印上作方鈕仿弗如鼻成一小印也

印典卷第二



印典卷第二

十九



